

TEKS UCAPAN

BRIG. JEN. DATO' PROF. DR. KAMARUDIN HUSSIN

NAIB CANSELOR UniMAP

SEMPENA PROGRAM JOB CAMP UniMAP – INDUSTRI

DI BLUE WAVE HOTEL, SHAH ALAM

PADA 24 JULAI 2011

Assalamualaikum Warahmatullahi Wabarakatuh Dan Salam 1 Malaysia,

Yang Berbahagia, Datuk Ab. Rahim Bin Md. Noor, Ketua Setiausaha, Kementerian Pengajian Tinggi Malaysia dan Yang Berbahagia Datin,

Yang Berbahagia Tan Sri Dato' Seri Dr. Hj. Zainul Ariff Hj Hussain, Pengurus Ahli Lembaga Pengarah Universiti dan Yang Berbahagia. Puan Seri,

Yang Berbahagia Datuk Syed Hussain AlJunid,

Yang Berbahagia Ahli-ahli Lembaga Pengarah Universiti,

Y. Bhg. Prof. Dr. Zul Azhar Zahid Jamal, Timbalan Naib Canselor (Akademik dan Antarabangsa)

Y. Bhg. Prof. Dr. Ismail Daut, Timbalan Naib Canselor (Penyelidikan dan Inovasi)

Barisan Dif-Dif Kehormat, Yang Berbahagia Dato'-Dato' dan Datin-Datin,

Pegawai-pegawai Utama Universiti,

Dekan-dekan dan Ketua-ketua Jabatan,

Wakil-wakil industri, Wakil-wakil Media

Tuan-tuan dan Puan-puan seterusnya anak-anak didik yang saya kasihi sekalian,

Selamat Petang, Good Evening, Wan Shang Hao, Malai Vannakam, Ma Sa An Khair, Ra Thri Sawat.

Alhamdulillah, marilah kita sama-sama memanjatkan kesyukuran kepada Yang Maha Esa kerana dengan izinNya lah mempertemukan kita dalam majlis pada malam ini.

Majlis makan malam yang penuh bermakna bagi saya dan UniMAP ini adalah sempena meraikan para graduan UniMAP yang telah berjaya menamatkan latihan mereka di industri-industri terpilih dalam **Program Job Camp UniMAP – Industri** dan **Majlis Penghargaan AJK Pasukan Pelaksana CAP IA (Industri-Akademia) Kebangsaan**. Selamat datang saya ucapkan kepada semua.

Setinggi-tinggi penghargaan saya titipkan buat yang berbahagia, Datuk Ab. Rahim Bin Md. Noor, di atas kesudian melapangkan masa untuk hadir ke majlis malam ini. Kehadiran Datuk semestinya menyerikan lagi majlis pada malam ini.

Hadirin Yang Saya Hormati Sekalian,

Pada malam ini saya amat gembira dan berbangga sekali melihat anak didik saya yang bergraduasi pada konvokesyen ke lima 2010 yang lalu telah memilih untuk menyertai Program Job Camp UniMAP-Industri dan ramai diantara anak-anak didik saya telah diterima berkerja dengan industri dimana mereka menjalani latihan. Syabas saya ucapkan.

Untuk makluman semua Program Job Camp UniMAP-Industri ini adalah merupakan satu program yang menempatkan graduan UniMAP di industri bagi menjayakan program kebolehpasaran siswazah yang berkonsepkan “*attach and place*” bagi graduan-graduan UniMAP yang bergraduasi pada tahun 2010.

Graduan telah menjalani latihan di industri yang ditetapkan selama empat hingga enam bulan bagi tujuan memberikan pendedahan awal sebelum ditawarkan jawatan sebagai staf tetap di industri tersebut.

Program ini adalah bertujuan untuk membuka peluang dan membantu siswazah UniMAP mendapat pekerjaan yang baik di industri-industri terkemuka serta multinasional. Saya percaya program ini juga mampu membantu memenuhi kehendak industri bagi mengisi kekosongan yang diperlukan selain dapat memberi ruang kepada industri menilai graduan tersebut sepanjang latihan dijalankan sebelum diterima sebagai staf tetap.

Program Job camp ini juga merupakan salah satu inisiatif UniMAP dalam mencapai sasaran yang telah ditetapkan oleh pihak Kementerian Pengajian Tinggi dalam Agenda Kritisikal PSPTN : CAP Graduate Employability (GE) Fasa 1.

Hadirin sekalian,

Program Job Camp UniMAP-Industri bagi tahun 2010 dilaksanakan dengan berpandukan sasaran dan sasaran yang ditekankan dalam “*Economic Transformation Programme (ETP)*”.

Program ini di bahagikan kepada 2 sektor iaitu , Elektrik & Elektronik , Radio Frequency Identification (RFID) dan Bidang Automotif.

Antara industri yang terlibat bagi Elektrik & Elektronik dan Radio Frequency Identification (RFID) adalah Silterra (M) Sdn Bhd, Infineon Technologies (Kulim) Sdn Bhd dan Smartrac Technologies (M) Sdn Bhd . Manakala bagi sektor automotif pula adalah Malaysia Automotive Institute (MAI), Perodua Manufacturing Sdn Bhd, Sipro Plastic Industries Sdn Bhd, Sapura Technical Centre Sdn Bhd, Ingress Technologies Sdn Bhd, Might-Meteor Advanced Manufacturing Sdn Bhd dan Permintex Sanko Technologies Sdn Bhd.

Program Job Camp 2010 telah disertai seramai 76 orang peserta pada awal program. Namun demikian, bilangan peserta berkurangan kepada 65 disebabkan sebahagian daripada para peserta telah ditawarkan peluang pekerjaan daripada industri - industri lain. Program Job Camp 2010 juga menutup tirainya dengan kejayaan 98 %. 70 % daripada peserta program mendapat tawaran di tempat mereka menjalani Program Job Camp dan bakinya telah memilih untuk menerima tawaran-tawaran kerja daripada industri – industri lain berdasarkan latihan, pengetahuan dan pengalaman yang mereka telah lalui sepanjang program ini berlangsung.

Kejayaan program ini adalah merupakan hasil kelulusan peruntukan yang telah diluluskan oleh kementerian pengajian Tinggi dalam program 1 Juta 1 IPTA dimana UniMAP telah mendapat kelulusan sebanyak RM 910,000 berdasarkan program yang telah dirancang. Program ini juga mendapat sumbangan daripada industri hampir RM 500,000 bagi menampung kos elaun dan latihan peserta.

Justeru itu, pada pandangan saya program ini adalah langkah terbaik buat UniMAP dalam membantu memastikan semua graduan yang dihasilkan memperoleh pekerjaan selain meningkatkan kebolehpasaran Siswazah UniMAP dan sekaligus mencapai sasaran yang telah ditetapkan oleh pihak Kementerian Pengajian Tinggi dalam Agenda Kritikal PSPTN.

Hadirin sekalian,

Majlis makan malam ini juga adalah tanda penghargaan saya, selaku bekas Pengerusi Pelaksana Projek Agenda Kritikal (CAP) Industri-Akademia (IA) Pelan Strategik Pengajian Tinggi Negara (PSPTN), Kementerian Pengajian Tinggi Malaysia (KPT), kepada AJK Pasukan Pelaksana CAP IA Kebangsaan. Sepanjang mempengerusi CAP ini beberapa bengkel, seminar dan mesyuarat diadakan dalam memantap dan mengukuhkan hubungan industri dan akademia.

Gandingan ampuh, kerjasama erat dan pengorbanan masa serta tenaga semua AJK Pasukan Pelaksana CAP ini banyak menyumbangkan input yang positif kepada KPT. Sememangnya Pasukan ini wajar diraikan pada majlis makan malam ini.

Selain itu, untuk makluman semua hadirin, pada malam ini juga UniMAP memeterai memorandum persefahaman (MoU) dengan Malaysia Automotive Institute (MAI), Malaysian Medical Relief Society (MERCY Malaysia) dan Silterra (M) Sdn Bhd, .

MoU antara UniMAP dan Malaysia Automotive Intitute (MAI) adalah merupakan kesimbungan kerjasama yang telah terjalin pada program Job Camp UniMAP tahun lalu dan berjaya melatih 20 orang graduan UniMAP dalam bidang kejuruteraan rekabentuk automotif atau lebih dikenali sebagai program (*Digital Engineering & Prototyping Program (DEP)*) .

Program DEP telah selesai dilaksanakan pada April 2011 lalu dan melibatkan 4 industri iaitu Perodua Manufacturing Sdn Bhd, Sapura Technical Centre Sdn Bhd, Sipro Plastic Industries Sdn Bhd dan Ingress Technologies Sdn Bhd.

Pada 23 Mei 2011 lalu juga, satu Majlis Konvokyesen telah diadakan oleh pihak MAI dan Perodua bagi meraikan kejayaan peserta-peserta bagi program ini.

Hadir bagi menyempurnakan Majlis konvokesyen tersebut adalah Timbalan Menteri Perdagangan Antarabangsa dan Industri, Datuk Mukhriz Tun Mahathir, Pengarah Urusan PERODUA, Datuk Aminar Rashid Salleh, En.Madani Sahari, Ketua Eksekutif MAI dan saya sendiri

Oleh yang demikian dengan kerjasama yang terjalin ini, UniMAP berharap pelbagai kerjasama dapat terus dibangunkan kearah menghasilkan jurutera berkualiti dalam bidang automotif ini. Tidak ketinggalan pada tahun ini juga UniMAP dan MAI merancang untuk meneruskan perlaksanaan program Job Camp UniMAP – MAI dengan penglibatan peserta seramai 35 orang.

Pihak UniMAP merakamkan jutaan terima kasih atas kerjasama ini dan diharapkan ia dapat menjadi satu platform terbaik untuk kedua-dua belah pihak dalam melaksanakan pembaharuan dalam bidang automotif ini.

Sementara itu, UniMAP juga menandatangani MoU dengan MERCY Malaysia. Saya berharap pelbagai kerjasama dapat dilaksanakan dalam usaha menjadikan warga UniMAP sentiasa bersedia dalam menghadapi sebarang bencana tambahan lagi Perlis negeri berisiko dilanda banjir sejak kebelakangan ini. Warga UniMAP juga akan diberikan pendedahan untuk menghadapi bencana bagi memastikan keadaan lebih terkawal dan mengelakkan kecelakaan yang tidak di ingini berlaku. UniMAP juga berpeluang bertindak sebagai pasukan bantuan bencana bersama MERCY Malaysia di sekitar Perlis sehingga ke peringkat antarabangsa.

UniMAP juga telah lama menjalankan kerjasama dengan Silterra (M) Sdn Bhd. Ramai diantara graduan UniMAP juga telah bekerja dengan Silterra dan jalinan kerjasama yang dimeterai hari ini adalah melibatkan kerjasama pembangunan modal insan dalam bidang teknologi mikrofabrikasi dan pembinaan makmal teknologi Micro Electro Mechanical System (MEMS) melibatkan pembiayaan daripada Northern Corridor Implementation Authority (NCIA) sebanyak RM 2.18 juta.

Saya berharap kerjasama yang dijalankan UniMAP bersama MAI, MERCY Malaysia dan Silterra (M) Sdn Bhd akan menjadi platform terbaik kearah membantu Malaysia menjadi sebuah Negara yang berdaya saing dalam pelbagai bidang.

Akhir kata, saya ingin mengucapkan ribuan terima kasih kepada semua dif kehormat dan tetamu jemputan yang sentiasa memberikan sokongan padu terhadap pembangunan dan kemajuan modal insan khususnya di UniMAP selama ini.

Besarlah harapan saya agar sokongan dan kerjasama ini terus berkekalan. Saya memohon seribu kemaafan jika terdapat sebarang kekurangan pada majlis malam ini.

**Terbangnya Helang Tanpa Arah,
Terbangnya Melayang Tinggi Diudara,
UniMAP Universiti Pendokong Amanah,
Melahirkan Modal Insan Penggerak Negara**

Sekian sahaja ucapan daripada saya, Wabillahitaufik Walhidayah
Wassalamualaikum Warahmatullahi Wabarakatuh.